

circa caput gestant ad omnino dampnaculum jaculorum emissionem, qui neque puerulis panem alia conditione dare solent, quam funda ab ipsis dejectum, Strab. I. III. Hunc in modum Deus, ut bene et sedulo precandi artem perdiscamus, panem non vult dare, nisi quem jaculo orationis de celo quasi dejeccerimus. Bonus ille Isaiae dilexisse dicitur filium Esau, quasi prae altero, Jacobo, Genes. XXV. Mirum certe hoc: cum Esau, ut pilosus et horridus, ita quoque asper et ferus esset moribus: e contra Jacob, ut laevis corpore, ita moribus placidus et amabilis. Causa refertur ibi; quia Esau venator erat, de ejus venatione comedebat Isaac. Habebat is domi sua pecora innumerata: ea tamen ipsi non ita sapiebant, ut caro ferina. Nimirum haec industria et labore paratur: domestica vero absque labore, mera pecorum fœcunditate habetur. Certe etiam Jacob arcu demum uti cœpit, et pluris aestimavit præmium, quod acquisivit gladio et arcu suo, quam quod pecunia prius emerat: ideoque illud velut rem præ cæteris charam legavit suo Josepho, Genes. XLVIII. Panis ergo quem orationis sagittis comparamus, quasi caro ferina, Deo gravior et sapidior: panis vero, quem omnino gratis sine nostris precibus, quasi, caro domestica est. Itaque oratio nostra Dei oblectatio, Dei quasi cibus dulcis et optatus est; quo ipsum etiam pascimus, dum humili et ferventi oratione pasci ab eo petimus. Tales venatores amat Deus, qui industria orationis cibum sibi parant. Illos amat paterfamilias, qui panem otiosos non comedunt: otiosos vero odit et expellit, ut apes fucos, qui mel quidem vorant, sed pro eo conficiendo nihil laborant.

CONCIO IV

IN PROCESSIONIBUS QUÆ CAVENDA.

I. Non portandus sacculus negotiationum. — II. Non pera commensationum. — III. Non calceamenta superbi vestitus. — IV. Nemo in via salutandus per confabulationem. — V. Eundem sicut oves eunt.

THEMA.

Nolite portare sacculum neque peram, neque calceamenta, et neminem per viam salutaveritis.

Lac. X.

Non multum aberrabo, auditores, si nostræ processionis, quam hodie instituimus, exemplar dicam fuisse illam, quam in hodierno evangelio prescribit Salvator noster suis septuaginta duo discipulis. Pertransitus benefaciendo oppida et castella Judææ, præmisit illos septuaginta duos,

binos et binos, ut prædicarent evangelium et infirmos curarent, ipsi denique mox secuturo viam præpararent, quo facilius Judæi ipsum reciperent velut suum Messiam, ab eoque plenam fidem, peccatorum remissionem et gratiam, acciperent. Nos etiam de Ecclesia nostra in vicinum oppidum vel pagum bini et bini, vel terni et terni, in forma processionis egredimur, quasi a Christo summo pastore nostro missi, ut non quidem lingua sed modestia, silentio, gravitate, oratione totiusque corporis religiosa compositione alios ædificando, evangelium prædicemus, qua ratione S. Franciscus vadens cum fratribus suis, etiam illitteratis, per urbis compita fertur eis dixisse: *Eamus prædicatum, non lingua sed modestia: deinde, ut liberali nostra manu sanemus eos, qui passim in via occurront nobis, pauperes, fractos, ulcerosos, miseratos, non exiguo numero; sicque ipsi viam quodammodo paremus, velut mox secuturo et hunc in locum venturo, sub missæ sacrificio.* Quæ cum ita sint, nos etiam videntur tangere leges illæ, quas in hodierno evangelio Dominus præscripsit suis discipulis, ut nos ipsis conformemus quas nunc audiamus.

I. *Nolite portare sacculum, Græce marsupium seu crumenam.* Portant secum sacculum, qui ob negotiationem vadunt peregrinatum; deinde, qui terrena solum non coelestia bona petitum veniam; quo nimirum sacculum et crumenam impleant. Male a Christo exceptus fuit, qui ob taliem causam ipsum rogavit: *Magister dñe fratri meo ut dñpdat mecum hæreditatem.* Audit enim: *Homo quis me constituit judicem aut dñsorem super vos?* Lue. XII. Loquitur quasi ad ignotum, dum hominem appellat, q.d. non novi te in hoc postulato; non enim propter temporalia veni in hunc mundum, qui nec pedem unum properea movebam. Pessime etiam exceptus fuit Adonias a Salomon, quando ab eo petiit sibi dari Sunamitem in matrimonium, cogitans per hoc, uti Salomon subfeliciter regnum Salomonis trahere ad se; supplicium enim mortis incurrit, III. Reg. II. Terrena namque divitiae, honores et commoditates plus plerunque obsunt, quam prosum; unde Dei iram potius merentur quam benevolentiam, si primario et per se petantur; fitque oratio talium in peccatum. Gravissimam plagam accepere Hebrei, quando ad arce præsidium confugerunt ob temporalia tantum commoda sua, I. Reg. IV. Pari modo Christiani sæpe nihil impetrant, sed gravius interdum puniuntur, quando in tribulatione instituant processiones cum s. eucharistia et ss. reliquis; quia Deus: *Scit illos pre evasionem et cessatione periculorum corporalium deprecari, non ex recta radice, hoc est, non ex chari-*

tate neque sincera intentione; sed ex amore carnati, quo diligunt vitam presentem ac prospera ejus: iisque oratio eorum sit in peccatum, et indignationem provocat deitatis, etc. ait Dionysius Carth. in locum, art. X. myst. interpr.

IN FESTO S. MARCI.

659

tibi, Exod. XXXIII. quasi hæc ornatus depositio necessaria sit ad placandum Deum et prima dispositio. Quis enim homini superbo misericordiam velit impendere? Hinc Thecuitis illa, ut gratiam a Davide impetraret, lugubrem induit habitum quo regem ad commiserationem flecteret,

*II. Reg. XIV. Quare Concilium Moguntinum, can. XXXIV. præcepit ut Christiani supplicationes comitentur: *Non equitando nec pretiosis induit vestibus.* Decet enim subditum arma illa deponere, quibus contra dominum suum militavit, si veniam obtinere velit. Vestium luxus arma non postrema sunt, quibus Deus impugnat. Quare saepe viri etiam primarii in processionibus pro publica necessitate institutis, plane discalecati et nudis pedibus incedere non erubuerunt, ut Theodosius junior imper. Constantinopoli in processione instituta ob frequenter terræ motus, apud Niceph. lib. XIV. cap. XLVI. Leo papa decimus Romæ, in publica supplicatione, cum Ecclesia a Turcis infestaretur, teste Jovio in Leone X. lib. IV. indicta anno 1517. ad Sanctam Mariam super Minervam, discalecatus incessit; ut et Sanctus Carolus Borromæus cardinalis et archiepiscopus Mediolani in processione, pestis causa peracta, ut in ejus vita. De S. Elisabetha Thuringæ principe scribit auctor vita, lib. III. cap. XI. « In diebus rogationum, cum quidam contra sanctorum decreta facientes, pretiosis et delicatis vestibus decorantur, ipsa princeps regis filia laneis induita, nudis pedibus processionem crucis et sanctorum reliquias devotissime sequebatur. » Qua ratione effecerunt ut ipsorum preces cœlum penetrarent, quia: *Oratio humilantis se nubes penetrabit, Ecclesiastici XXXV.* Quid causæ est, quod David dixerit de Jonatha: *Sagitta Jonathæ nunquam rediit retrorsum?* hoc est, nunquam abiit in vanum, quin transfigeret scopum; nisi quia Jonathas adeo fortiter arcum tendere solebat, ut semper penetraret, III. Reg. I. Quo magis ergo chordam traxit deorsum eo altius evolarunt et fortius penetrarunt ejus sagittæ. Pari modo nos quo magis nos deprimitus, dum oramus eo potentior evadet nostra oratio, et penetrabit nubes imo ipsum Dei cor.*

IV. *Neminem per viam salutaveritis.* Phrasis Hebreæ vult dicere: Ne divertatis ad privatas salutations et familiares prolixasque collocationes; sed omnem vanam confabulationem, distractiōnem ac moram præscindite, ut ibi explicat Cornelius a Lapide. Cavendæ etiam sunt in ss. processionibus salutations tales, profanae inquam confabulationes, risus, cachinni. Et sane si apostolis ad prædicandum evangelium missis salutations illas Dominus prohibuit, quo jure dum

precationi incumbimus, licebat nobis Deo relicto convertere sermonem ad nugas, jocos, risus, res profanas? Achæos laudat Homerus, Iliad. III. quod ad prælum procederent magno cum silentio: *Conspiratque tacito nitidu pugnam indiscerentur*, ut loquitur Gellius, lib. I. cap. XI. vituperat contra Trojanos, qui loquitarentur et gruum instar confabulationibus mutuis perstrepserent. Atqui nos in processionibus ad spirituale bellum egredimur, expugnaturi Dei cor, id vero in multiloquio non efficiemus; quia Dominus monet: *Orantes nolite multum loqui, sicut ethnici*, Matth. VI. nugacia scilicet et futilia, licet ad orationem tendant: quanto minus ergo miscenda ludicra et profana? Josue etiam in Jerichuntini circa urbem processionibus dejecturus urbis muros strictissimum indixit populo silentium: *Non clamabitis, inquit, nec audietur vox vestra, neque ullus sermo ex ore vestro egredietur donec veniat dies in quo dicam vobis: Clamate et vociferamini*, Jos. VI. Et observatum est hoc ab omni populo. Quid aliud querimus nos per nostras processiones, quam dejicere muros et impedimenta cœli, ut id occupemus? Frænemus ergo interea linguam nostram, donec veniet dies illa optata, in qua occupato cœlo simul vociferantes triumphum canamus. Judæi si in loco sacro forte sternutabant proximi eis salutem precari vetabantur, propter loci sanctitatem; ut scribit Hebreorum doctor Rambam, lib. I. Jad. hal. III. in cap. IV. Magis multo nos movere et modestiæ ac silentii admonere debent hi dies sacri, communi omnium supplicationi et compunctioni destinati; de quibus Sanctus Augustinus, in vig. ascensionis, serr. CLXXIII. de temp. ita concionari incipit: « Scire debemus, et intelligere fratres charissimi, quia dies compunctionis et pœnitentiæ celebramus, et ideo non nos oportet nimio risu vel in aliquo minus cauto et congruo cachinno dissolvi, timentes illud quod Dominus in evangelio dixit: Væ vobis qui ridetis, quia lugebitis et flebitis.» Denique, non solum istæ levitates, semper ex se male, deponendæ sunt eo tempore; sed etiam profana alia cæteroqui non illicita studia, quo sensu intelligit verba illa Christi: *Neminem salutaveritis*, S. Ambrosius in eum locum, Lue. X. « Ergo et hiz, inquit, non salutationis officium aufertur; sed obstaculum impediendæ devotionis aboletur: ut quando divina mandantur, paulisper sequentur humana. »

V. *Ecce ego mitto vos sicut agnos inter lupos: ergo sicut oves ire debemus in processione. Et quo modo pergunt oves?* Primo, gressu recto et

simplici, quo ducuntur a pastore. Sic eundum in processione ea intentione, quæ proponitur a pastore, ad exorandum Deum pro hac vel illa necessitate: non ut recreemur vel exspatiemur, non ex mera consuetudine, non ob lucrum aliquod aut negotia sæcularia. Propterea non frustra notatur Psal. CXLIV. *Prope est Dominus omnibus invocantibus eum, omnibus invocantibus eum in veritate.*

Vulpes gressu ficto incedunt, singunt se hac ire, et alio intendunt, ac repente illuc saltant. Non sit talis noster incessus, non sit factus, neque duplex: sed invocemus in veritate: querentes spiritualia, non carnalia bona, non labiis dolosis, sed ore simul et corde orantes.

Secundo, oves dum ambulant, non circumspiciunt, sed ad viam duntaxat suam vultum et oculos convertunt. Pari modo ambulent, qui cum processione eunt, ne a Sapiente stultitiae arguantur, qui Prov. XVII. ait: *In facie prudentis luet sapientia: oculi stultorum in finibus terræ, quasi dies vagi, curiosi, levis, imago stulti, qui seipsum nesciat, nec ad se attendat.*

Tertio, oves dum ad pascua pergunt, cerebos interim balatus edunt. Ita decet Christianos in processione piæ fundere preces, saltem breves et jaculatorias, quibus animum subinde elevent ad Deum: vel si colloqui, submissa tamen voce, ve- lint, de rebus tantum suis, non de profanis loqui, quod etiam orationis vim habet. Monet enim Dominus, Luc. XXI. *Vigilate omni tempore orantes: et apostolus I. ad Thessal. V. Sine intermissione orate, h. e. sedulo, perseveranter, assidue, quantum per alia negotia licet, uti sane licet in processione. Nunquam ccesset oratio, quia nusquam deest tentatio.*

Denique, si audiri a Deo volumus, sicut agni accedere ad eum debemus, non sicut lupi; non ut nocentes, sed ut innocentes: *Cum multiplicaveritis orationem*, ait Dominus, Isai. I. non exaudiam: *manus enim vestræ sanguine plenæ sunt, q. d. lupi estis, non agni. Agnorum sacrificio Deus placatus est ab Abel, quia velut agnus sacrificium illud obtulerat: non est placatus sacrificio frugum a Cain, quia lupus erat, sanguini insidatus. Elephantes etiam irati objecta sibi ovicularam deponunt et mansuescunt, referente Pierio, I. II. hierogl. Quare si et nos Deum nobis iratum reconciliare volumus, velut agni, culpa carentes, compareamus in conspectu ejus.*

AUCTARIUM.

CONCIO I.

SECTATORES ALII TERRÆ, ALII COELI.

Qui dicantur pugiles mundi. — I. Qui in vestitu suo gloriam querunt. — II. Qui in corradendis opibus suam felicitatem querunt. — III. Qui e vindicta gloriam querunt. — IV. Qui pro libertate carnis pugnant.

His adversantur pugiles Christi, quales primi Christiani. — I. Qui sua libenter communicant. — II. Qui cultum animæ potius quam corporis querunt. — III. Juramentis abstinent. — IV. Inter se unanimes sunt.

THEMA.

Salutat vos Marcus filius meus. I. Petr. V.

Non exigua laus est S. Marci, quod a principe apostolorum Petro filius appelletur, illis verbis: *Salutat vos Marcus filius meus*. Argumentum enim est eximi amoris in Petro erga Sanctum Marcum, quem in Christo generat, et magnæ sanctitatis in Sancto Marco, laus hæc talis est, que ab omnibus Christianis jure merito expectatur. Quare si et nos filii Sancti Petri dilecti esse desideramus, Sancti Marci sectatores seu fratres esse studeamus. Notum est inter pugiles duas esse factiones, quarum una appellatur, quasi das, plumarii pugiles; altera, hoc est, fratres seu pugiles Marci; quæ velut antagonistæ de gloria inter se certant. Non dissimiliter inter Christianos duæ sunt factiones hominum; alii enim plumarum, alii S. Marci sectatores sunt. Illi mundum ejusque vanitates sequuntur ac propugnant: isti vero Deum. Non opus liberare utri parti adhærendum sit. Nemo enim nostrum est, qui non S. Marci frater esse velit. Solum id superesse videtur, ut utramque contemplemur, quod nunc faciemus.

Quinam plumarii pugiles sunt, qui pro plumis luctantur et pugnant, pro rebus fluxis et inanibus. Quid levius pluma, et quid fugacius mundi bonis? Tales autem sunt pugiles mundi.

I. Qui in splendido vestitu suam gloriam querunt. Populi in calidis regionibus utriusque Indiae plumis fere avium varicoloribus se ornare solent; coronam inde capiti facere et præcinctum. Rideremus illos nos, si videremus; at interim nihil aliud agunt superbi, dum per vesti-

tum splendidum gloriam sibi querunt: omnia enim ornamenta mendicant a bestiarum plumis et pellibus, vermis, lapidibus, plantis et arboribus: non secus ac personæ comicæ, quæ si regis personam aut reginæ agere debeant, ornamenta regia emendicant a magnatibus, ab uno vestem, ab alio torquem, ab alio coronam, gladium, etc. Quis autem illos propterea veneratur, ut magni astimet? Post comediam enim omnia deponere et restituere coguntur. Ad hæc per hunc luxum avolant divitiae. Fuit anno 1518. princeps, qui pellicium seu talarem tunicam habuit sufflam pellibus, quas pellio e carduelium capitellis miro opere concinnavit, Drex. in Trism. l. III. c. IX. Qualis hic plumarum pugil? Quot aviculas suis plumulis deplumavit, ut alienis se ornaret? Et quo emolumento, nisi ut tanta vanitas legatur in libris, et rideatur ab intelligentibus?

II. Qui in opibus accumulandis suam felicitatem querunt. Divitiae sunt plumæ: quia sicut aves beneficio plumarum se calefaciunt et in altum tollunt, sic divites beneficio opum carnem suam fovent et in superbiam evehuntur. Talis Nabuchodonosor, de quo Ezech. XVII. dicitur: *Aquila grandis magnarum alarum, longo membro ductu, plena plumis, etc. Plumæ significant divitias ejus*, secundum D. Gregor. XXXI. moral. cap. XIX. « Sicut enim aquila sine plumis volare nequit; ita et principum dignitas omnis, nisi pecunia fulta, enervis est et facile corrut, » ut dixit Carolus IV. imp. ad principes Germaniæ, apud Dubravium, lib. XXII. Verum sicut avium penæ subinde defluunt, ita defluxerunt Nabuchodonosori, quando velut amens ejectus est e regno in silvas. Unde monet Sapiens, Prov. XXIII. *Ne erigas oculos tuos ad opes, quas non potes habere; quia facient sibi pennas quasi aquilæ, et volabunt in cælum.* Ut enim aquilæ altissime evolant, ita ut consipi demum nequeant: sic opes sæpe numero avolant quam longissime, ut nihil jam ex eis videas. Id expertus ille vini mercator, cuius crumenam e navis puppi rapuit milvus pelle leporina tectam, et in aquam dejecit, teste S. Greg. Turon. de glor. confess. c. CIX. Superioribus annis Liscanus Hispanus, cum gravi obsidione Solimanus Strigonium urgeret, auro suo ex prædis consarcinato metuens, deditiois maturandæ auctor fuit. Excessurus igitur munitione, aureo